

Folia lineari-lanceolata, obtusiuscula, sparsa, nequaquam amplexicaulia, glabra. Calyx atro-virens, glaber. Flores aurei, stylis fuscis. Variat foliis lanceolato-ovatis, obtusis, integerrimis; caule superne nudo, unifloro. In pratis collinis siccis, ad margines sylvarum. Varietas in locis sterilibus montium carpathicorum. Floret Augusto — Octobri.

CCCXLVIII. CREPIS. Linne.

955. *C. foetida* foliis runcinato-pinnatifidis hirtis, petiolis dentatis, caule piloso, calyce tomentoso. SMITH. WILLD.

Rami patentes, longi. Flores ante anthesin nutantes, aurei. Planta ingrata olens, praecipue radix. Variat pilositate. In lapidosis, ad vias Leopoli. Floret Junio — Septembri.

956. *C. biennis* foliis runcinato-pinnatifidis scabris: lobis antice dentatis, calyce muricato subtomentoso. SMITH. WILLD.

Caulis inferne simplex. Foliorum inferiorum lobi tantum antice, mediorum utrinque dentati: superiora lanceolata, basi pinnatifida. Costae inferius valde hispidae. Flores aurei, corymbosi. In pratis, sepibus, pomariis. Floret Junio, Julio.

957. *C. lodomeriensis*, foliis hispidiusculis; radicalibus runcinatis, caulinis subpinnatifido-dentatis integerrimisque; floribus

subpaniculatis, calycibus subpubescenti-hispidis; fructigeris ovatis sulcatis. NOBIS.

Caulis, circiter bipedalis, ramosus, ramis paucis inaequalibus; sulcato-angulatus, angulis inferne scabris, pilisque brevibus rigidis raris obsitis; superne cum ramis glaberrimus. Folia omnia sublanceolata, acutiuscula, basi attenuata; radicalia et caulina infima praeprimis hispidiuscula, magis minusve runcinata, dentibus acutis, integris; media subpinnatifido-dentata, dentibus pluribus paucioribusve, imo solitariis, magis minusve elongatis; caeterum integerrima glabra aut rarius hispidiuscula; summa linearia, integerrima. Rami simplices aut parum divisi pedunculorum vices gerunt, sunt elongati, bracteolis linearibus, subpollicaribus et versus flores saepius pilis glandulosis raris adpersi. Calyces oblongi magnitudinis fere C. biennis: foliola oblongo-lanceolata, margine angusto membranaceo, glabra aut leviter pubescentia, dorso saepius muricato-hispida: calyculi linearia, laxa, glabra, interioribus dimidio breviora; fructigerorum canaliculata, parum arcuata. Corolla aurea. Styli flavi. Pappus sessilis, scaber. Semina oblonga, apice parum attenuata, sulcata, crenulata, pallida.

A. C. tectorum caule non corymboso, floribus majoribus, stylis et defectu canescentiae distincta: a C. agresti autem habitu toto, laciniis foliorum caulinarum non posteriorum porrectis et floribus majoribus ac iis C.